

元和郡縣志卷三十

唐 李吉甫 撰

湖南道 五

潭州

長沙中都督府

開元戶二萬一千八百  
元和戶一萬五千四百四十四

鄉六十九  
鄉六十九

今為湖南觀察使理所

管潭州衡州郴州永州連  
州道州邵州 管縣三十

四 案此與後福建觀察使都管戶數並傳寫缺

禹貢荊州之域春秋為黔中地楚之南境秦并天下分

黔中以南之沙鄉為長沙郡以繞湘川下言長沙郡地者皆禹貢荊州

元和郡縣志

卷三

之域楚之南境也按東方朔記南郡有萬里沙祠自湘川至東

萊地可萬里故曰長沙漢初以吳芮有功封長沙王至

景帝封其子發為王因八朝有詔諸王迭起舞王但張

裒而已帝怪而問之對曰臣國小地狹不足以回旋帝

悅益以武陵桂陽二郡自漢至晉並屬荊州懷帝分荆

州湘中諸郡置湘州南以五嶺為界北以洞庭為界漢

晉以來亦為重鎮今按其俗雜有夷人名徭自言先祖

有功免徭役也隋開皇九年平陳改為潭州取昭潭為

名也又置總管府大業中罷牧置都尉府三年罷長沙

郡武德四年又置潭州總管府七年改爲都督府

州境東西一千六十里  
南北五百七十五里

八到西北至上都二千四百四十五里  
北至東都二千一百八十五里

東至洪州九百八十里  
東南至袁州五百二十五里

正南微東至衡州四百六十里  
西北至朗州四百里

北至岳州水路五百五十里

貢賦開元貢 葛布十五疋  
元和貢 絲布十五疋

管縣六

長沙 醴陵 瀏陽 益陽 湘鄉 湘潭

元和郡縣志

卷三

二

長沙縣緊郭下

本漢臨湘縣屬長沙國隋改爲長沙縣屬潭州

嶽麓山在縣西南隔湘江水六里蓋衡山之足也故以

麓爲名

雲母山在縣北九十里列仙傳長沙雲母服之不朽

銅山在縣北百里楚鑄銅處

昭山在縣南七十里臨湘水下有旋潭甚深無底州之

得名因此也

湘水南自衡山縣界流入于岳州湘陰縣界

故尉城在縣西北七十里孫權以程普爲長沙縣西部  
都尉以防關羽因立此城

故陶關在縣西南五里晉杜弼據湘州反陶侃討之因  
置此城

賈誼宅在縣南四十步

吳芮墓在縣北四里

陶侃墓在縣南二十三里

醴陵縣

中下西北至州一百八十里

本漢臨湘縣地禹貢岷山導江東別爲沱又東至于澧

元和郡縣志

卷三

三

是也後漢置此縣屬長沙郡煨封顧雍爲長沙侯而家  
人不知是也隋平陳省入長沙武德四年復置

瀏陽縣

中下西至州二百五十里

本漢長沙國臨湘縣地吳置瀏陽因縣南瀏陽水爲名  
隋平陳廢景龍二年復置

益陽縣

上東南至州一百八十里

本漢舊縣屬長沙國在益水之陽因名隋平陳屬潭州  
濱水一名茱萸江南自邵州流入經縣南三十步縣西  
有關羽瀨南對甘寧故壘昔羽屯兵水北孫權令魯肅

甘寧拒于此水寧謂肅曰羽聞吾咳唾之聲必不敢渡  
渡則成擒也羽夜聞寧處分曰與霸聲也遂不渡茱萸  
江

益水出縣東南益山東北流入澧水

關羽故壘在縣西一十五里

湘鄉縣

緊西北至州二百三十里

本漢湘南縣之湘鄉也後漢立爲縣屬零陵郡自吳至  
陳並屬衡陽郡隋省入衡山縣武德四年復置

石魚山其石色若雲母開發一重石若魚形刻畫燒之

元和郡縣志

卷三

四

作魚膏臭在縣西十五里

龍山有鍾乳穴在縣南二百四十里

漣水在縣南四十五里煮水一石得鹽五升

湘潭縣

緊東北至州一百四里陸路一百二十里

本漢湘南縣地吳分立衡陽縣晉惠帝更名衡山歷代  
並屬衡陽郡隋改屬潭州天寶八年改名湘潭

涓湖漑良田二百餘頃縣西七十里

湘水經縣理東

衡州

衡陽上

開元戶一萬三千五百一十三 鄉四十四  
元和戶一萬八千四十七 鄉四十四

秦屬長沙郡漢為鄴縣地吳分長沙之東部為湘東郡

晉以郡屬湘州隋開皇九年罷郡為衡州以衡山為名

州境 東西六百五十里 南北四百九十九里

八到 西北至上都二千九百五十里 北至東都二千六百四十九里

東南至郴州三百七十里 東北至吉州九百一十里

正南微西至永州五百七十里 西至邵州三百五十六里

北至潭州四百六十里

貢賦 開元貢 麩金 大麻 紵絲 元和貢 水銀

元和郡縣志 卷三 五

管縣六

衡陽 攸 茶陵 耒陽 常寧 衡山

衡陽縣 緊郭下

本漢鄴縣地吳分置臨蒸縣屬衡山郡天寶初更名衡

陽郡縣仍屬焉案此所敘未全舊唐書云吳末分長沙

為衡陽武德四年復為臨蒸開元二十年復為衡陽 縣城東傍湘江北背蒸水

岫巖山即衡山也在縣北七十里

湘水西南自永州祁陽縣界八

蒸水自臨蒸縣北東注于湘謂之蒸口

鄱湖在縣東二十里可釀爲酒晉紀武帝平吳薦鄱酒于太廟是也

蒸陽故城在縣西一百七十里

攸縣

下西南至州陸路三百四十五里

本漢舊縣武德四年分湘潭縣置以北帶攸溪爲名

茶陵縣

中西南至州水路四百五十里

本長沙國界齊永明七年入湘東郡隋開皇九年爲湘潭縣武德四年置茶陵縣貞觀九年廢聖歷元年復舊以南臨茶山縣以爲名

元和郡縣志

卷三

六

耒陽縣

上西北至州一百六十八里

本秦縣因耒水在縣東爲名漢屬桂陽郡隋改爲耒陰

屬衡州

此所敘亦未全舊唐書云武德四年復爲耒陽

後漢蔡倫卽此縣人

有宅基在縣西一里

雨瀨在故縣西南每旱賽之則雨降

常寧縣

下西北至州陸路一百八十里

本秦耒陽縣地吳分耒陽置新平縣宋元徽中三洞蠻抄掠州縣移就江東因蠻寇止息遂號新寧卽今理是東俯潭水西枕宜江天寶元年改名常寧

湘水在縣北六十里

衡山縣

上西南至州一百二十里

本漢陰山縣以縣東百二十里有陰山為名至梁武帝天監中分陰山立湘潭縣天寶八年改為衡山

湘水在縣東

衡山南嶽也一名岫嶺山在縣西三十里南嶽記曰衡山者朱陽之靈臺太虛之寶洞又云赤帝館其嶺祝融託其陽以其宿當翼軫度應機衡故為名又曰上如車蓋及衡軛之形山高四千一十丈

元和郡縣志

卷三

道光十年修

七

衡岳廟在縣西三十里南嶽記曰南宮四面皆絕人獸莫至周迴天險無得履者漢武帝移于江北置廟隋文帝復移于今所

郴州

桂陽中

開元戶三萬二千一百七十六  
元和戶一萬六千四百三十七

鄉五十  
案鄉數傳寫缺

本漢長沙國地後漢分長沙南境立桂陽郡理彬縣領十一縣隋平陳改為彬州大業中復為桂陽郡武德四年為彬州

州境

東西五百九十六里  
南北三百二十三里

八到

西北至上都三千二百七十五里  
北至東都三千一十五里

東至虔州一千里

東南至韶州四百一十里

西至道州五百三十五里

西北至衡州三百七十里

貢賦

開元貢

紬

白紵

管縣八

彬

義章

義昌

平陽

資興

高亭

臨武

藍山

彬縣

上郭下

本漢舊縣項羽徙義帝之所都也歷代屬彬陽郡隋屬

元和郡縣志

卷三

道光十年修

八

彬州

桂陽監在城內每年鑄錢五萬貫

馬嶺山在縣東北五里昔蘇耽學道于此得仙其舊宅

在州東半里俯臨城餘跡猶存

石井山在縣東北八十里有風母獸既死張口向風則

生

劉洞在縣西北二十三里出偃鼠如牛將為災乃出畝

畝散落其尾悉為小鼠

淥水自彬侯山注來



程鄉吳錄云程鄉出酒

橫溪水俗謂之貪泉飲者輒冒于貨財

郴水出經縣東一里

溫水在縣北常溉田十二月種明年三月熟可一歲三熟

義帝祠在縣南一里墓在縣西一里

義章縣 中下西北至州一百一十五里

本漢郴縣地隋末蕭銑分置屬郴州武德因而不改開元二十三年自縣北移于今理卻據層嶺前臨通江

元和郡縣志

卷三

九

章水在縣北六十五里

義昌縣 中下西北至州三百三十里

本漢郴縣地至東晉分置汝城縣屬桂陽郡隋改爲扈

陽縣天寶元年改爲義昌

平陽縣 上東至州九十九里

本漢郴縣地東晉陶侃于今理南置屬平陽郡至陳俱廢隋末蕭銑分置武德因而不改七年省八年復置

銀坑在縣南三十里所出銀至精好俗謂之倘子銀別處莫及亦出銅鈔供桂陽監鼓鑄

資興縣

中下西至州一百二十里

本漢郴縣地後漢于此置漢寧縣吳改曰陽安晉改爲晉寧至隋省開皇十一年又置改爲資興貞觀廢咸通三年又置改爲資興南俯耒江北帶長嶺

高亭縣

中下南至州九十里

本漢便縣晉省陳復置至隋省入郴縣開皇十三年宇文融奏割郴縣北界置安陵縣安陵水在縣北百步因以爲名天寶元年改爲高亭縣以縣東一百三十步高亭山爲名

元和郡縣志

卷三

十

臨武縣

中下東北至州二百一十三里

本漢舊縣以南臨武溪水因以爲名歷代屬桂陽郡後郡爲郴州縣屬不改

桐柏山在縣西北六十里

雞水在縣南卽桂水也

藍山縣

中東北至州三百二十里

本漢南平縣至隋廢咸通中復置于今理天寶元年改爲藍山縣

九疑山在縣西南五十里

永州 零陵中

開元戶二萬七千五百九十  
元和戶八百九十四  
鄉四十八  
鄉四十五

秦屬長沙郡漢為長沙國武帝分置零陵郡領縣十至  
宋封晉恭帝為零陵王隋文帝開皇九年平陳置永州  
因水為名大業三年復為零陵郡四年又置永州史記  
舜葬九疑即此地也

州境 東西三百三十二里  
南北五百六十一里

八到 西北至上都三千一百五十五里  
北至東都二千八百九十五里

東南至道州水路二百六十里  
東北至衡州陸路五百七十里

元和郡縣志 卷三 十一

南至韶州六百里  
西南至桂陽五百五里  
西至敘州南郎溪山懸險不通無里數

貢賦 開元貢 細葛 石燕

管縣四

零陵 祁陽 湘源 灌陽

零陵縣 上郭下

本漢泉陵縣地隋平陳改為零陵縣自改零陵故移干  
此

湘水經州西十餘里

石室山在縣北一里呂蒙所築

祁陽縣 上南至州一百八十里

本漢泉陵縣地屬零陵郡吳分泉陵置武德四年復置  
于今理貞觀元年省四年又置

石燕山在縣西北一百一十里出石燕充藥

湘水經縣南三十步

湘源縣 上東北至州一百三十里

本漢洮陽縣地至隋改置湘源縣屬永州

湘水經縣東

元和郡縣志

卷三

灌陽縣 中北至州三百六十里

本漢零陵縣地隋大業末蕭銑析湘源縣置武德七年

廢上元二年呂誣奏置

灌水在縣西南一百二里

連州 連山下

開元戶一萬八千八十 鄉二十二  
元和戶五千二百七十 鄉二十二

秦為長沙郡之南境漢置桂陽郡至陳為桂陽縣隋文帝開皇十年置連州因黃連嶺為名大業初改為熙平郡武德四年復為連州

州境 東西二百四十二里 南北四百里

八到 東北至上都三千六百六十五里 東北至東都三千四百五里

東至韶州陸路五百里

東至廣州八百九十里

東北度嶺至郴州三百九十里 西南至封州六百三十里 西至賀州捷路二百七十里 取道州桂嶺路二百六十里

貢賦 開元貢 細布 元和貢 鍾乳

管縣三

桂陽 陽山 連山

桂陽縣 上中郭下

元和郡縣志 卷三 道光十年修

十三

本漢舊縣屬桂陽郡吳宋齊並屬始興郡梁陳屬陽山郡隋屬連州

貞女峽在縣東南一十里

黃連嶺在縣西南一百五十里

陽山縣 中上西北至州一百四十七里

本漢舊縣為南越置關之邑故其關在縣西北四十里 茂漢口史記尉佗移檄陽山關曰盜兵且至急絕道聚 兵自守今陽山北當騎山嶺路秦于此立陽山關漢破 南越以為縣後漢省晉重置任注水南梁天監六年置

陽山郡以縣屬焉隋開皇十年屬連州神龍二年移于注水北郡今縣理也是界諸山各出乳穴

連山縣 中下東至州一百六十里

自漢至齊為桂陽郡之地梁武帝分桂陽置廣惠縣安未

武舊唐書作晉武廣惠隋書作廣德與此互異皆當以此為是隋開皇十年改為廣澤

屬連州仁壽元年改為連山

滑水今為黃連水

道州 江華中

開元戶二萬七千四百四十八 鄉六十  
元和戶二萬八千三百三十八 鄉五十一

元和郡縣志 卷三 道州 十

秦屬長沙郡漢屬長沙國武帝分長沙置零陵郡吳分

零陵置營陽郡今州是也以郡在營水之南因以為名

隋末陷寇賊武德四年平蕭銑置營州貞觀八年改為

道州

州境 東西二百九十五里 南北四百里

八到 西北至上都三千四百一十五里 北至東都三千一百五十五里

正東微北至郴州五百三十五里 南踰嶺至賀州四百四十里

西至踰嶺至韶州四百二十里 西北水路至永州一百六十里

貢賦 開元貢 細紵布

管縣五

弘道 永明 延唐 大歷 江華

弘道縣 上郭下

本漢營浦縣屬零陵郡隋改永陽縣貞觀八年省入營道縣天寶六年改爲弘道縣

大陽原在縣南五十步多小斑竹相傳云舜崩之後二如尋湘水以手拭淚把竹遂成斑也

營水南自江華縣流入

永明縣 中東北至州一百一十里

元和郡縣志

卷三

五

本漢營浦縣隋改爲永陽縣武德四年移于州西南貞觀八年省天后又置天寶元年改爲永明

延唐縣 上西至州一百里

本漢洽道縣地屬零陵郡漢景帝時零陵文學于洽道舜祠下得玉瑄是也至隋自奔巢水口移營道縣于此武德四年移營道于州郭內于此置唐興縣天寶元年改爲延唐縣

九疑山在縣東南一百里舜所築也九山相似行者疑惑故爲名舜廟在山下

冷水今名遲水源出九疑山

春陵故城在縣北五十里長沙定王封中子買為春陵侯是也

大歷縣

中下西北至州二百二十里

本漢營道縣地大歷二年觀察使韋之晉奏析延唐縣

于州東置因年號為名

舊唐書地理志大歷二年湖南觀察使韋貫之奏請析延唐

縣于道州東南二百二十里春陵侯故城北十五里置縣因以大歷為名又本傳云貫之本名純以憲宗廟諱遂以字行新唐書宰相世系表云貫之字正理相憲宗合志表傳皆可證貫之非之晉然攷本傳元和十二年罷相乃為湖南觀察使去大歷初已四十餘年則所云大歷二年貫之奏置亦誤今竝仍原文以存疑

元和郡縣志

卷三

六

江華縣

中北至州一百一十三里

本漢馮乘縣地故城在縣南七十里至隋不改武德四

年分馮乘縣置江華縣屬營州八年屬道州

營水出縣東北

淮南王子廟在縣南七十二里荆州記云淮南王安被誅其子奔至此城門化為石今名東塘神

邵州

邵陽下

開元戶一萬二千三百二十元利戶一萬八百

鄉三十鄉二十二

秦為長沙邵地漢為昭陵縣屬零陵郡吳分置邵郡今



州是也宋齊並為邵陵王國隋開皇十年以邵陵郡屬潭州隋末陷于寇賊武德四年平蕭銑屬南梁州貞觀十年改為邵州

州境

東西屈曲一百二十里南北水路七百三十四里

八到

西北至上都二千八百八十四里北至東都二千五百八十五里

東至衡州三百五十六里東南至永州二百二十里東北至潭州陸路五百三十里

貢賦

開元貢元和貢

黃蠟 麻布 銀

管縣二

元和郡縣志

卷三

七

邵陽 武岡

邵陽縣

上郭下

本漢昭陵縣屬長沙國後漢改昭陽縣晉武帝改為邵陽因邵水之陽為名

武岡縣

上東北至州四百三十里

本漢都梁縣地屬零陵郡吳寶鼎元年改為武岡縣因武岡為名一云晉武帝分都梁縣置梁天監元年以太子諱綱故為武強武德四年復舊

都梁山在縣東北一百三十里

福州 長樂中都督府

開元戶三萬一千六十七

鄉六十六

元和戶一萬九千四百五十五

今為福建觀察使理所 管福州建州泉州漳州汀州 管縣二十四

禹貢揚州之域本閩越秦并天下以閩中下郡作三十

六郡之數今州即閩中郡之地也

下言閩中地者皆禹貢揚州之域

漢

初又為閩越國自越王句踐六世至無疆為楚所滅子

孫播遷海上七世至無諸從諸侯之師滅秦率人佐漢

漢立無諸為閩中王王故地郡又有冶縣按治即今台

州章安故縣是也後漢改為東侯官吳于此立曲躬都

元和郡縣志

卷三

六

尉主謫徙之人作船于此晉置晉安郡領縣八屬揚州

南朝以封子弟為王梁簡文帝初封晉安王入為皇太

子是也陳廢帝改為豐州又為泉州因泉山為名隋大

業二年改為閩州三年改為建安郡武德六年改為泉

州八年置都督府景雲二年又為閩州開元十三年改

為福州都督府因州西北福山為名兼置經略使仍自

嶺南道割屬江南東路

州境 案州境里數傳寫缺

八到 西北至上都五千二百九十五里西北至東都四千四百二十四里

東至大海七十里

東南水路至海一百六十里

東北至温州水路屈曲一千八百里山路險阻

貢賦

開元貢 海蛤 蚌蛇膽  
賦 綿 絹

管縣九

閩 侯官 長樂 福唐 連江 長溪

尤溪 古田 永泰

閩縣 上郭下

元和郡縣志

卷三

九

本漢治縣地屬會稽郡後漢改為東侯官

杜佑通典及舊唐書並

云治縣又名東治縣後漢改為侯官都尉吳改屬建安郡晉以侯官為晉安

郡隋開皇九年改為原豐縣十二年又改為閩縣皇朝

因之

海在縣東南一百六十里

東湖在縣北三里

西湖在縣西二里

侯官縣

繫北至州郭二里

武德六年于今州西北三十一里置八年廢長安二年

重置貞元五年觀察使鄭叔則奏移于州郭

長樂縣 上西至州一百里

本隋閩縣地武德六年分置長樂縣

石尤嶺縣南四十里與福唐縣分界

大海在縣東七十里

海澶山縣東一百二十里山在大海中周迴三百里

福唐縣 緊東北至州水路一百七十里

聖歷二年析長樂縣東南界置萬安縣天寶元年改爲

福唐

元和郡縣志

卷三

三

大海在縣東四十五里

丹步渡在縣南百步其水謂之無患溪

連江縣 緊西南至州水陸路一百六十里

本漢冶縣地晉分立溫麻縣武德六年移于連江之北

改爲連江縣

連江在縣南三百里東流入海

海在縣東五里

長溪縣 中下西南至州水路八百里

長安二年割晉溫麻舊縣北四鄉置長溪縣

長溪在縣南四十五里流入大海

尤溪縣

中下東南水路至州八百里

開元二十九年開山洞置縣東水路沿流至侯官縣西

水路泝流至汀州龍巖縣

古田縣

中下東至州七百里

開元二十九年開山洞置與連江接界與沙縣分界

永泰縣

中下東北至州二百五十里

永泰二年觀察使李承昭開山洞置縣東水路沿流至

侯官縣西泝流至南安縣南北俱抵大山並無行路

元和郡縣志

卷三

三

建州 建安上

開元戶二萬八百  
元和戶一萬五千四百八十

鄉四十  
鄉四十

本秦閩中地也漢于其地立冶縣屬會稽郡後漢改冶

為東侯官吳孫休永安二年以會稽南部都尉分為建

郡今州即其地也宋齊梁皆以封子弟為王開元十年

罷郡以縣屬泉州隋氏喪亂建安縣人擁眾自保武德

四年歸附遂于建安縣置建州

州境

州境里  
數傳寫缺

八到

西北至上都四千六百九十五里  
西北至東都三千八百三十五里

東北至處州山路九百里  
正南微東至福州六百里  
西南至汀州水路屈曲一千五百里  
西北至信州五百四十里  
西北至撫州八百三十里  
正北微東至衢州七百里

貢賦

開元貢 金花練  
賦 絹 緞  
元和貢 蕉布 偃鼠皮

管縣五

建安 浦城 邵武 將樂 建陽

建安縣 上郭下

本漢冶縣之地後改爲東侯官又立建安縣通典云漢治縣地

元和郡縣志

卷三

三

吳置建安縣有武夷山 因遂不改

建陽溪一名建安水在州西四百步南流入福州界

浦城縣 緊東南至州三百六十里

本漢興縣吳永安三年改曰吳興隋平陳省入建安武德四年又省載初元年復置改曰唐興天授二年爲武寧神龍元年復爲唐興天寶元年改爲浦城

梨嶺在縣東北八十里與弋陽縣分界

邵武縣

本漢冶縣地吳于此立昭武縣晉改爲邵武

飛猿嶺在縣西一百七十里

邵武溪水源出飛猿嶺東南流經縣西

將樂縣 中下東北至州四百五十里

吳永安三年置隋開皇九年省武德八年復立

將樂溪水源出百丈嶺東北流經縣界

建陽縣 中東至州一百六十里

本上饒縣地吳分置建平縣晉太元四年改為建陽隋

開皇十年省入建安武德四年重置

建陽溪水源出縣北溫嶺南流經縣界

元和郡縣志

卷三

三

泉州 情源上

開元戶五萬七百五十四  
元和戶三萬五千五百七十一

案鄉數傳寫缺  
鄉三十四

舊泉州本理在今閩縣武德六年置景雲二年改為閩

州開元中改為福州今泉州本南安縣也久視元年縣

人孫師業訴稱赴州遙遠遂于南安縣東北界置武榮

州景雲二年改為泉州即今理是也

州境 東西四百里  
南北三百三十里

八到 西北至上都五千九百九十五里  
西北至東都四千八百四十五里  
東至大海一百里  
東北至福州三百七十里

南至大海一百里  
西南至漳州三百五十里

貢賦

開元貢

蠟

賦

紵布

紵麻

云和貢

綿二百兩

蚶蛇膽

管縣四

晉江 南安 莆田 仙遊

晉江縣 上郭下

開元六年刺史馮仁知緣州郭無縣請析南安縣東置  
在晉江之北因名

南安縣 緊東至州八十里

元和郡縣志

卷三

三

本漢治縣地後漢為侯官縣地晉為晉安縣地通典云吳置

晉安縣晉置晉安郡在此陳立為南安縣隋志謂南安舊曰晉安

名焉舊唐書亦謂南安隋縣皆與此有異因縣南安江以為名

海在縣東南九十里

莆田縣 上西南至州一百五十里

本南安縣地陳廢帝分置莆田縣隋開皇十年省武德  
六年復置貞觀改隸閩州景雲二年割屬泉州

大海在縣東一十五里

仙遊縣 中南至州一百六十里



聖歷二年析莆田西界于今縣北十五里置清源縣天寶元年改為仙遊仍移于今理

仙遊山在縣西三十里縣因為名

漳州 漳浦上

開元戶一千六百九十  
元和戶一千三百四十三

家鄉數傳寫缺  
鄉一十一

本泉州地垂拱二年析龍溪南界置因漳水為名初置于今漳浦縣西八十里開元四年改移就李澳川即今漳浦縣東二百步舊城是十二年自州管內割屬福州二十二年又改屬廣州二十八年又改屬福州乾元二年和郡縣志

卷三

五

年緣李澳川有瘴遂權移州于龍溪縣置即今州理是也

州境 東西三百七十里  
南北三百九十里

八到 西北至上都六千四百五十里  
西北至東都五千六百四十里

東至大海一百五十里  
南至大海一百八十里  
西北至潮州四百八十里  
北至汀州九百里

貢賦 開元貢 鯨魚皮 甲香 蠟

管縣三

龍溪 漳浦 龍巖

龍溪縣中下郭下

陳分晉安縣置屬南安郡後屬閩州開元二年九年割屬漳州縣東十五里至山險絕無路西二十里至山南三里至山北十六里至山

海去縣五十四里

漳浦縣中下東北至州一百二十里

垂拱中析龍溪南界置

龍巖縣中下東北至州三百里

先置在汀州界雜羅口名雜羅縣屬汀州天寶元年改

元和郡縣志

卷三

共

為龍巖縣大歷十二年皇甫政奏改隸漳州

廢懷恩縣在州西南三百一十里垂拱二年置屬漳州

開元二十九年廢今置鎮

汀州臨汀下

元和戶二千六百一十八 鄉一十

開元二十一年福州長史唐循忠于潮州北廣來東福

州西光龍洞檢責得諸州避役百姓共三千餘戶奏置

州因長汀溪以為名

州境州境里數傳寫缺

八到

西北至上都取建州路六千二百九十五里  
西北至東都五千三百三十五里

東南至漳州九百里

東北至福州水陸相兼屈曲一千三百六十里

東北至建州水陸相兼一千五百里

正南微西至潮州一千三百五十里

西至虔州水陸相兼一千二百里

貢賦

開元貢

蠟

樞鼠皮

管縣三

長汀 沙 甯化

長汀縣

中下郭下

白石溪水在縣南二百步下流入潮州界

元和郡縣志

卷三

三

沙縣

中下西南至州一百八十里

本宋置屬建安郡隋開皇十六年廢武德四年又置屬

建州開元二十三年割屬汀州因沙邱以為名

溪水自縣西來經縣郭東北流入建安溪

甯化縣

中下西南至州六百里

本沙縣地開元二十二年開山洞置縣西與虔化縣接

玄武山在縣北五里

元和郡縣志卷三十